



საქართველოს საბჭოთა სოციალისტური რესპუბლიკის

მ თ ა ვ რ ო ბ ი ს

დადგენილებათა და განკარგულებათა კრებული

1939 წ. ივნისი 25

№ 15

თბილისი

შ ი ნ ა ა რ ს ი

სახალხო კომისართა საბჭოს დადგენილებანი

- 59. არაპირდაპირი დანიშნულებისამებრ „სატვირთო ავტომანქანების გამოყენების აკრძალვის თაობაზე“ საქართველოს სსრ სახკომსაბჭოს 1937 წ. 17 აგვისტოს დადგენილების გაუქმების შესახებ.
- 60. უმაღლესი დაუსწრებელი სწავლების გაუმჯობესების შესახებ.
- 61. თამბაქოს თავისუფალი გაყიდვის შესახებ.
- 62. საპროექტო ორგანიზაციების მუშაობის შემოწმების შედეგებისა და საპროექტო სახარჯთაღრიცხვო საქმის გაუმჯობესების ღონისძიებათა შესახებ.
- 63. საქართველოს სსრ-ში საზომ-საწონი ხელსაწყოების რემონტის მოწესრიგების შესახებ



სახალხო კომისართა საბჭოს დადგენილებანი

59. არაპირდაპირი დანიშნულებისამებრ „სატვირთო ავტომანქანების გამოყენების აკრძალვის თაობაზე“ საქართველოს სსრ სახკომსაბჭოს 1937 წლის 17 აგვისტოს დადგენილების გაუქმების შესახებ.

საქართველოს სსრ სახალხო კომისართა საბჭო ადგენს:

გაუქმებული იქნას საქართველოს სსრ სახალხო კომისართა საბჭოს მიერ 1937 წლის 17 აგვისტოს გამოცემული დადგენილება არაპირდაპირი დანიშნულებისამებრ „სატვირთო ავტომანქანების გამოყენების აკრძალვის შესახებ“ (საქ. სსრ კან. კრ. 1937 წ. № 16, მუხ. 117).

საქ. სსრ ს. კ. ს-ოს თავმჯდომარე ვ. ბაქრაძე.

საქ. სსრ ს. კ. ს-ოს საქმეთა მმართველის მ. დ. ა. რ. კელიძე.

1938 წ. თებერვლის 23. № 248.
თბილისი.

60. უმაღლესი დაუსწრებელი სწავლების გაუმჯობესების შესახებ.

საქართველოს სსრ სახალხო კომისართა საბჭო აღნიშნავს, რომ უმაღლესი სასწავლებლების დაუსწრებელი განყოფილებები, სათანადო სახალხო კომისარიატები და უწყებები ჯერ კიდევ არაღამაკმაყოფილებლად ასრულებენ სსრ კავშირის სახალხო კომისართა საბჭოს 1938 წლის 29 აგვისტოს დადგენილებას „უმაღლესი დაუსწრებელი სწავლების შესახებ“ (სსრკ დადგ. კრ. 1938 წ. № 39, მუხ. 228).

უმაღლეს სასწავლებელთა დაუსწრებელ განყოფილებებში კონტიგენტის მიღება ხდება არა საწარმოო ნიშნის მიხედვით, არამედ ამ განყოფილებებს უმეტეს შემთხვევაში ავსებენ იმ პირთაგან, რომლებმაც სტაციონალურ ინსტიტუტში ვერ ჩააბარეს საკონკურსო გამოცდები (ზოოვეტინსტიტუტში მიღებული 161 კაციდან სოფლის მეურნეობაში მარტო 13 კაცი მუშაობს, სახელმწიფო ინდუსტრიალურ ინსტიტუტში მიღებულია 613 კაცი, რომელთაგან წარმოებაში მხოლოდ 198 კაცი მუშაობს, სასოფლო-სამეურნეო ინსტიტუტში მიღებულ 245 კაციდან მიწათმოქმედების სახალხო კომისარიატის სისტემაში მუშაობს მხოლოდ 164 კაცი, თბილისის სატრანსპორტო ინჟინერთა ინსტიტუტში მიღებულია 246 კაცი, აქედან მხოლოდ 94 კაცი მუშაობს და სხვა).

ასეთი კონტიგენტის არსებობის დროს ხდება დაუსწრებელათ მოსწავლე სტუდენტების მასობრივი გადასვლა სტაციონარზე (მარტო თბილისის სატრანსპორტო ინჟინერთა ინსტიტუტში 1937/38 სასწავლო წლის განმავლობაში მეორე და მალა კურსებზე გადაყვანილია 135 კაცი, ზოოვეტინსტიტუტში 214 კაციდან გადაყვანილია 130 კაცი და სხვ.).



დაუსწრებელი საწავლების ზოგიერთი განყოფილება შედარებით დაწესებულ ციფრებთან არღვევს სტუდენტთა მიღების კონტიგენტს (სასოფლო-სამეურნეო ინსტიტუტმა იმ დროს, როდესაც 1938/39 წლის მისაღები კონტიგენტი დამტკიცებული იყო 150 კაცის რაოდენობით, ფაქტიურად ჩარიცხა 245 კაცი, ხოლო ზოოვეტინსტიტუტს არ ჩაუტარებია სტუდენტთა მიღება ვეტერინალურ სპეციალობაზე, უმაღლეს სასწავლებელთა დაუსწრებელი განყოფილებანი არ არიან უზრუნველყოფილი სასწავლო მატერიალური ბაზით (ლაბორატორიებით, კაბინეტებით, აუდიტორიებითა და საერთო საცხოვრებლებით) ზოგიერთი დაწესებულებანი და საწარმოები (სტალნის სახელობის ორთქლმავალ-ვაგონსარემონტო ქარხანა, განათლების რაიონული განყოფილება და სხვა). არ აძლევენ წარმოებაში მომუშავე დაუსწრებელ სტუდენტებს საგამოცდო სესიების დროს კუთვნილ შევებულებას.

დაუსწრებლათ მოსწავლე სტუდენტები არ არიან უზრუნველყოფილი პროგრამებით, მეთოდური მითითებებით, სასწავლო სახელმძღვანელოებით, განსაკუთრებით ნაციონალურ ენებზე. დაუსწრებელ განყოფილებათა უმრავლესობას ადგილებზე არა აქვს საკონსულტაციო პუნქტები (თბილისის სატრანსპორტო საინჟინერო ინსტიტუტი, სასოფლო-სამეურნეო ინსტიტუტი და სხვ.) დაუსწრებლათ მოსწავლე სტუდენტთა აკადემიური წარმატება ძალიან დაბალ დონეზე დგას, სასოფლო-სამეურნეო ინსტიტუტში დაუსწრებელ სტუდენტთა 300 კაციდან შემდეგ კურსებზე გადავიდა მხოლოდ 62 კაცი (20%) ქუთაისის პედინსტიტუტში 2444 კაციდან მეორე კურსზე გადაყვანილია მხოლოდ 349 კაცი (14%), ხოლო სრული კურსი დაამთავრა: ზოოვეტინსტიტუტში — 8 კაცმა, თბილისის სატრანსპორტო-საინჟინერო ინსტიტუტში — 51 კაცმა, სასოფლო-სამეურნეო ინსტიტუტში — 3 კაცმა, ქუთაისის პედინსტიტუტში 17 და სახელმწიფო უნივერსიტეტში — 203 კაცმა.

ინსტიტუტებში (თბილისის სატრანსპორტო-ინჟინერთა ინსტიტუტი, სასოფლო-სამეურნეო ინსტიტუტი და სხვ.) ჯერ კიდევ არ არის გატარებული საშტატო-საგანაკვეთო სისტემა.

საქართველოს სსრ სახალხო კომისართა საბჭო ადგენს:

1. წინადადება მიეცეს უმაღლეს სასწავლებელთა დირექტორებს და დაუსწრებელი სექტორის გამგეებს:

ა) ზუსტად დაიცვან დაუსწრებელ განყოფილებებზე მიღებისა და მათი კონტიგენტების დამტკიცების წესები;

ბ) არ დაუშვან დაუსწრებლათ მოსწავლე სტუდენტთა მასობრივი გადასვლა სტაციონარზე;

გ) გამოჰყონ და დაუსწრებელ განყოფილებებს მიამაგრონ საჭირო რაოდენობის აუდიტორიები და საერთო სადგომები ჩამოსულ დაუსწრებელად მოსწავლე სტუდენტთათვის, აგრეთვე დააწესონ დაუსწრებლათ მოსწავლე სტუდენტთა მიერ სათანადო კაბინეტებისა და ლაბორატორიების გამოყენების მტკიცე საათები;

დ) ერთი თვის ვადაში შემოიღონ უმაღლეს სასწავლებელთა ცენტრის სწორებელ განყოფილებაში მასწავლებელთა შემადგენლობის შრომის ანაზღაურების საშტატო-საგანაკვეთო სისტემა;

ე) გამოსცენ ნაციონალურ ენებზე დაუსწრებელი განყოფილებებისათვის მეთოდური სახელმძღვანელოები და მასალები, რომლებიც ხელს შეუწყობენ მოსწავლეთა დამოუკიდებელ მუშაობას.

2. წინადადება მიეცეს უმაღლეს სასწავლებელთა დირექტორებს ერთი დეკადის ვადაში განიხილონ სამეცნიერო საბჭოების სხდომაზე დაუსწრებელ განყოფილებათათვის სახელმძღვანელოებისა და სასწავლო ნივთების გამოშვების გეგმა.

3. საქართველოს სსრ მიწათმოქმედების სახალხო კომისარიატმა დაახუსტოს და დაიმტკიცოს სპეციალობათა და ფაკულტეტთა ნომენკლატურა ზოოვეტინსტიტუტის დაუსწრებელი განყოფილებისათვის.

4. დაისვას საკითხი გზათა სახალხო კომისარიატის წინაშე, რათა ამიერკავკასიის რკინიგზაზე გაიხსნას საკონსულტაციო პუნქტები, რომლებიც მომსახურებენ გაუწევენ თბილისის სატრანსპორტო საინჟინერო ინსტიტუტის დაუსწრებელთა მოსწავლე სტუდენტებს.

5. დაევალოს განათლების, მიწათმოქმედების, იუსტიციისა და ადგილობრივი მრეწველობის სახალხო კომისარიატებს მოაწყონ საკონსულტაციო პუნქტების ქსელი დაუსწრებელი განყოფილებებისათვის.

6. დაევალოს სახალხო კომისარიატებსა და უწყებებს თავის დროზე მისცენ დაუსწრებელთა მოსწავლე სტუდენტებს დამატებითი შევსება საგამოცდო სალაბორატორიო სესიებზე მონაწილეობის მისაღებად, თანახმად სსრ კავშირის სახალხო კომისართა საბჭოს 1938 წლის 29 აგვისტოს დადგენილებისა, „უმაღლესი დაუსწრებელი სწავლების შესახებ“.

საქართველოს სსრ სახელმწიფო საგეგო კომისიამ გამოჰყოს საჭირო რაოდენობის ქალაქი ძირითადი სახელმძღვანელოების ქართულ ენაზე გამოსაცემათ დაუსწრებელ განყოფილებათა სტუდენტებისათვის.

საქ. სსრ ს. კ. ს-ოს თავმჯდომარე ვ. ბაქრაძე.

საქ. სსრ ს. კ. ს-ოს საქმეთა მმართველის მ. ა. ი. შელეგია.

61. თამბაქოს თავისუფალი გაყიდვის შესახებ.

1938 წლის მოსავლის თამბაქოს დამზადების სახელმწიფო გეგმის შესრულებასთან დაკავშირებით, საქართველოს სსრ სახალხო კომისართა საბჭო აღგენს:

1. ნება დაერთოს საქართველოს სსრ მეთამბაქოობის რაიონების კოლმეურნეობებს, კოლმეურნეებსა და ერთპიროვნულ მეურნეობებს, რომლებმაც შეასრულეს თამბაქოს ჩაბარების საკონტრაქტაციო ვალდებულებანი, თავისუფლად გაჰყიდონ ზედმეტი თამბაქო ადგილობრივ ბაზრებზე, რკინიგზის სადგურებსა და წყლის ნავსადგურებში, თუ თამბაქოს მიტანა გაყიდვის ადგილზე არ არის დაკავშირებული რკინიგზით ან წყლის ტრანსპორტით გადაზიდვისათან.

2. აღნიშნულ ადგილებში თამბაქოს გაყიდვის უფლება ეძლევა კოლმეურნეობებს, კოლმეურნეებსა და ერთპიროვნულ მეურნეობებს მხოლოდ იმ შემთხვევაში, თუ მათს საკონტრაქტაციო წიგნაკში იქნება საქთამბაქოს ნედლეულის რაიონული დამამზადებელი კანტორის აღნიშვნა მათ მიერ საკონტრაქტაციო ვალდებულებათა შესრულების შესახებ.

საქ. სსრ ს. კ. ს-ოს თავმჯდომარე ვ. ბაქრაძე.

საქ. სსრ ს. კ. ს-ოს საქმეთა მმართველის მ. ა. ი. შელეგია.

1939 წ. მაისის 29. № 1005.

თბილისი.

62. საპროექტო ორგანიზაციების მუშაობის შემოწმების შედეგებისა და საპროექტო სახარჯთაღრიცხვო საქმის გაუმჯობესების ღონისძიებათა შესახებ.

საქართველოს სსრ სახალხო კომისართა საბჭო აღნიშნავს, რომ საქართველოს სსრ საპროექტო ორგანიზაციების უმრავლესობას ჯერაც არ გარდაუქმნია მუშაობა შესაბამისად სსრ კავშირის სახალხო კომისართა საბჭოს 1938 წლის 26 თებერვლის დადგენილებისა „საპროექტო და სახარჯთაღრიცხვო საქმის გაუმჯობესებისა და მშენებლობის დაფინანსების მოწესრიგების შესახებ“ (სსრკ დადგ. კრ. 1938 წ. № 9, მუხ. 58).

ჯერაც კიდევ ფართოდ არის გავრცელებული არაკომპლექსური პროექტირება, პროექტის ნაწილების შედგენა ერთიმეორისაგან ცალკადაც, განსაკუთრებით სანტექნიკისა და ელექტრომეურნეობის დარგში, რაც იწვევს პროექტების ხშირ გადაკეთებას (თბილისის ქალაქპროექტი, ვაჭრობის სახალხო კომისარიატის და განსახკომის საპროექტო სახელოსნოები და სხვ.).

ადგილი აქვს პროექტების მოწყვეტას ხარჯთაღრიცხვების შედგენისაგან, რომლებსაც სახარჯთაღრიცხვო ჯგუფები აღგენენ პროექტების ავტორთა მონაწილეობის გარეშე (თბილისის საბჭოს ქალაქპროექტი, საქკომუნპროექტის მე-4 სახელოსნო, ვაჭრობის სახკომატის და განსახკომის საპროექტო სახელოსნოები).

მთელ რიგ შემთხვევებში პროექტებსა და ხარჯთაღრიცხვებს აქვთ ბიუჯეტის დეფიციტი (თბილქალაქპროექტი, ვაქრობის სახკომატის საპროექტო სახელოსნო), მათ ახასიათებს სიდიდე და სირთულე, მათი შედგენა ხშირად ხდება ცალკეულ საწარმოთა ურთიერთკოოპერირების შესაძლებლობათა გაუთვალისწინებლად.

თითქმის ყველა საპროექტო ორგანიზაციის 1938 წლის განმავლობაში არ ჰქონდა მუშაობის მტკიცეთ დადგენილი წლიური გეგმა, ამის შედეგად მათი დატვირთვა ხდებოდა არათანაბრად: მრავალ შემთხვევაში პროექტირებას იწყებდნენ ისე, რომ არ ჰქონდათ დამკვეთის საგეგმო დავალებანი, ხოლო არსებული საგეგმო დავალებანი ხშირად ხარისხობრივად არასრულფასოვანი იყო (თბილქალაქპროექტი), ტექნიკური პროექტები სდგებოდა დაუმუშავებელი და სათანადოთ დაუმტკიცებელი საპროექტო დავალების გარეშე (თბილქალაქპროექტი, საქკომუნპროექტი),

სახალხო კომისარიატების მიერ ჯერ კიდევ არ არის დამუშავებული საპროექტო სამუშაოთა პრეისკურანტები და აგრეთვე პროექტების შემდგენთა შრომის ანაზღაურების სისტემა. პროექტირების ღირებულების გამოსაანგარიშებლად საპროექტო ორგანიზაციები სარგებლობენ სხვადასხვა უწყებათა პრეისკურანტებით, ხოლო ზოგიერთ შემთხვევებში პრეისკურანტების პროექტებით და ფასების ისეთი ცნობარებით, რომელთაც უკვე დაკარგული აქვთ ძალა, ყველაფერი ეს იწვევს პროექტირების ღირებულების აწევას (თბილქალაქპროექტი, საქკომუნპროექტი, სადაც გამოყენებული იყო პროექტების შემდგენთა შრომის სააკორდო ანაზღაურება, და სადაც ადგილი ჰქონდა ხელფასის აწევას პროექტების შემდგენთათვის დაუსაბუთებელ შეფასებათა მიხედვით).

საპროექტო ორგანიზაციები არ იბრძოდნენ საპროექტო სამუშაოთა თვით ღირებულების გაიაფებისათვის ცალკეულ კონსტრუქტიულ ელემენტების მაქსიმალური ტიპიზაციისა და სტანდარტიზაციის გზით.

მთელ რიგ შემთხვევებში საპროექტო სახელოსნოები არ არის დაკომპლექტებული სათანადო კვალიფიციური სპეციალისტებით, რის შედეგად ადგილი აქვს პროექტების გადაცემას განზე, კერძო დამპროექტებლებისათვის (თბილქალაქპროექტი, საქკომუნპროექტი, ვაქრობის სახკომატისა და განსახკომის საპროექტო სახელოსნოები).

ხელოვნებათა საქმის სამმართველო, მიუხედავად სადირექტივო ორგანოების დადგენილებისა, კერძო პროექტირების აკრძალვის შესახებ, წარსულში ფართო მასშტაბით ეწეოდა პროექტების გადაცემას კერძო დამპროექტებლებისათვის.

საქართველოს სსრ სახალხო კომისართა საბჭო ადგენს:

1. პროექტირების საქმის მოწესრიგებისა და პროექტების მაღალი ხარისხის უზრუნველყოფის მიზნით აუცილებლად იქნას ცნობილი პროექტირების თავმოყრა შემდგომ საპროექტო ორგანიზაციებში:

ა) სამრეწველო მშენებლობის პროექტირება საქართველოს სსრ ადგილო-

ბრივი მრეწველობის სახალხო კომისარიატის საქსახპროექტში და საქართველოს სსრ კვების მრეწველობის სახალხო კომისარიატის კვებპროექტში;

ბ) სამრეწველო მშენებლობის პროექტირება — საქართველოს სსრ კომუნალური მეურნეობის სახალხო კომისარიატის საქკომუნპროექტში;

გ) ქალაქ თბილისის არასამრეწველო ნაგებობათა პროექტირება თბილქალაქპროექტში;

დ) სოფლის მეურნეობის ყველა ობიექტის პროექტირება საქართველოს სსრ მიწათმოქმედების სახალხო კომისარიატთან არსებულ საქსოფლპროექტში, რომელთანაც გაერთიანებულ იქნას „საქსოფლეექტროს“ და საქართველოს წყალთა მეურნეობის სამმართველოს საპროექტო განყოფილებები 1940 წლის 1 იანვრიდან.

2. ნება დაერთოს საქართველოს სსრ ვაჭრობის სახალხო კომისარიატს შეინარჩუნოს საპროექტო სახარჯთაღრიცხვო ჯგუფი მარტოდენ მალაზიების გაფორმებისა და სავაჭრო შენობათა რემონტის პროექტებისა და ხარჯთაღრიცხვების შესადგენად და საქართველოს სსრ განათლების სახალხო კომისარიატს საპროექტო სახელოსნო იმისათვის, რომ მან ქალაქ თბილისის გარეთ უზრუნველჰყოს სასკოლო შენობათა მშენებლობა და რემონტი პროექტებითა და ხარჯთაღრიცხვებით.

3. წინადადება მიეცეს საქართველოს ადგილობრივი მრეწველობის სახალხო კომისარიატს, კომუნალური მეურნეობის სახალხო კომისარიატს, განათლების სახალხო კომისარიატს, მიწათმოქმედების სახალხო კომისარიატს, კვების მრეწველობის სახალხო კომისარიატს და თბილისის საბჭოს მიიღონ საჭირო ზომები და დაუყოვნებლივ გარდაქმნან მათთვის დაქვემდებარებული საპროექტო ორგანიზაციების მუშაობა (საქკომუნპროექტი, საქკვებპროექტი, თბილქალაქპროექტი, მიწსახკომის, განსახკომის და ვაჭრობის სახალხო კომისარიატის საპროექტო სახელოსნოები) სსრკ სახალხო კომისარიატსა და საბჭოს 1938 წლის 26 თებერვლის დადგენილების შესაბამისად, რისთვისაც:

ა) ორი დეკადის ვადაში დაამთავრონ საპროექტო სამუშაოთა პრეისკურანტებისა და პროექტების შემდგენთა შრომის ანაზღაურების სისტემის დამუშავება სსრ კავშირის ეკონომსაბჭოს 1939 წ. 16 თებერვლის № 248 დადგენილების საფუძველზე და წარუდგინონ საქართველოს სსრ სახელმწიფო საგეგმო კომისიას;

ბ) სახალხო კომისარიატებმა და უწყებებმა ფართოდ გამოიყენონ სკოლების, საცხოვრებელი სახლების, სახანძრო დეპოების, პატარა სასტუმროების, საავთმყოფოების, საბავშვო ბაგებისა და კერების და აგრეთვე ცალკეული სამშენებლო ობიექტების (ფანჯრები, კარები და სხვ.) არსებული ტიპური პროექტები, დანერგონ ისინი მშენებლობაში და მომავალში არ დაუშვან ახალი პროექტების შედგენა, თუ კი არსებობს სათანადო ტიპური პროექტი.

გ) ლიკვიდირებულ იქნას სახარჯთაღრიცხვო საქმის მოწყვეტა პროექტირებისაგან და არაკომპლექსური პროექტირების პრაქტიკა, რისთვისაც ყველა საპროექტო სამუშაოებისათვის მოეწყოს საკომპლექსო ბრიგადები.

4. სახალხო კომისრებმა და უწყებათა ხელმძღვანელებმა:

ა) პირადად იმუშაონ პროექტებისა და ხარჯთაღრიცხვების ხარისხის სიკითხებზე, აღმოფხვრან პროექტების მეტისმეტი დატვირთულობა, თვალყური ადევნონ საწარმოო, დამხმარე სადგომების სწორ განაწილებას, პროექტირების დროს გაითვალისწინონ საწარმოთა ურთიერთკოორპირების შესაძლებლობა და არ დაუშვან გადაჭარბება ტერიტორიის გამოყოფისა, შენობათა გარეგანი და შინაგანი ვაფორმების დარგში და სხვ.;

ბ) აკრძალონ პროექტების გადაცემა კერძო დამპროექტებლებისათვის და აღმოფხვრან შეთავსების პრაქტიკა საპროექტო ორგანიზაციებში;

გ) აკრძალონ დაუმტკიცებელი ფასების ცნობარებით სარგებლობა საპროექტო-სახარჯთაღრიცხვო სამუშაოებზე, მიაღწიონ პროექტირების ღირებულების გაიაფებას, ტიპური და სტანდარტული პროექტების მაქსიმალურად გამოყენების გზით;

დ) პირადად დაამტკიცონ საგეგმო დავალებანი პროექტირებისათვის და არ დაუშვან ტექნიკური პროექტების შედგენა დამტკიცებული საპროექტო დავალებათა გარეშე;

ე) აღმოფხვრან სახელმწიფოებო ვადების დარღვევის პრაქტიკა და შემოიღონ წახალისება პროექტების მაღალხარისხოვნად და ვადამდე შესრულებისათვის, ამასთანავე დააწესონ სასჯელი პროექტების არახარისხოვანი შესრულებისათვის;

ვ) პრაქტიკაში შემოიღონ პროექტების საზოგადოებრივი დათვალეირება საპროექტო ორგანიზაციების შიგნით და ობიექტების დამთავრებული პროექტების გამოფენათა ორგანიზაცია პროექტების დამტკიცებამდე.

5. დაევალოს სახალხო კომისარიატებს და თბილისის საბჭოს მოაწესრიგონ მუშაობა პროექტებისა და ხარჯთაღრიცხვების ტექნიკური ექსპერტიზის დარგში, რისთვისაც:

ა) ერთი დეკადის ვადაში განიხილონ და დაამტკიცონ საქართველოს სსრ სახალხო კომისარიატებთან და უწყებებთან არსებული საექსპერტო ტექნიკური ორგანოების მუშაობის გეგმები;

ბ) ორი დეკადის ვადაში დაამუშაონ და სახელმწიფო საგეგმო კომისიის წარუდგინონ საექსპერტო-ტექნიკურ ორგანოების მშენებლობის პროექტებისა და ხარჯთაღრიცხვების განხილვის ანაზღაურების ნორმები და აგრეთვე ძირითადი დებულებანი სპეციალისტ-ექსპერტთა შრომის ანაზღაურების სისტემის შესახებ.

საქართველოს სსრ სახელმწიფო საგეგმო კომისიამ ერთი თვის ვადაში დაამუშაოს ეს ნორმები და დასამტკიცებლად წარმოუდგინოს საქართველოს სსრ სახალხო კომისარიატსა და საბჭოს.

გ) უზრუნველყოფილ იქნას მეცნიერულ-ტექნიკური საბჭოების წევრთა მაღალკვალიფიციური შემადგენლობა, ისე რომ არ იქნას დაშვებული პროექტების ექსპერტიზა ვიწრო საუწყებო ხასიათის მეცნიერულ-ტექნიკურ საბჭოს შემადგენლობით;

დ) დაწესდეს ექსპერტიზაში პროექტების შემოსვლისა და გატარების წესი, ისე, რომ არ იქნას დაშვებული პროექტების განხილვა არაკომპლექსურად, ცალკეული პირების მიერ.

6. დაევალოს საქკომუნპროექტის ტრესტის მმართველს ამხ. ჩაჩანიძეს დაუყოვნებლივ აღმოუჩინოს სახელოსნოთა ხელმძღვანელებისა და მათი მოადგილეების მეტისმეტად გადიდებული შრომის ხელფასის ანაზღაურების პრაქტიკა და წინადადება მიეცეს მათ, პირადად ვასცენ განრიგები განსაკუთრებით სახელოსნოების ხელმძღვანელებსა და მათ მოადგილეებზე.

საქ. სსრ ს. კ. ს-ოს თავმჯდომარე ვ: ბაქრაძე.

საქ. სსრ ს. კ. ს-ოს საქმეთა მმართველის მ. ა. ი. შელეგია.

1939 წ. ივნისის 4 № 1025.
თბილისი.

63. საქართველოს სსრ-ში საზომ-საწონი ხელსაწყოების რემონტის მოწესრიგების შესახებ.

აღინიშნოს, რომ მთელ რიგ სახალხო კომისარიატებს და უწყებებს (მიწ-სახკომი, ვაჭრობის სახალხო კომისარიატი და ცეკავშირი) დღემდე არ მიუღიათ ზომები იმისათვის, რომ მოეწესრიგებინათ საზომ-საწონი მეურნეობა თავიანთ სისტემებში, რის შედეგადაც მთელ რიგ მეურნეობებში ჯერ კიდევ მოიპოვება ხმარებაში საზომი ხელსაწყოები, რომლებიც მოითხოვენ რემონტს და კანონიერ მდგომარეობაში მოყვანას, რაც გამოვლინებულ იქნა სსრ კავშირის სახალხო კომისართა საბჭოსთან არსებული საზომ-საწონი ხელსაწყოების საქმეთა კომიტეტის საქართველოს სსრ რწმუნებულის სამმართველოს მიერ ჩატარებულ რევიზიით.

ამასთან ერთად საქართველოს სსრ ადგილობრივი მრეწველობის სახალხო კომისარიატმა ჩაატარა „საქსაზომსაწონრემონტტრესტის“, როგორც საქართველოში საზომ-საწონი სამეურნეო ხელსაწყოების რემონტის ერთერთი ძირითადი ორგანიზაციის — მუშაობის გამოკვლევა, რის შედეგადაც გამოირკვა:

1. „საქსაზომსაწონრემონტტრესტი“ სუსტ მომსახურებას უწყევს საზომ-საწონ მეურნეობებს, რომლებიც რემონტს საქიროებენ.

2. ხელოვნურად არის გადიდებული საზომ-საწონის რემონტის ისედაც გადაჭარბებული შეფასებანი და ამასთან დაბალია რემონტის ხარისხიც.

3. აშკარად არადაამაკმაყოფილებლად არის დაყენებული აღრიცხვა და ანგარიშგება, რამაც გამოიწვია საფინანსო-საკრედიტო დისციპლინის სისტემატური დარღვევა, გაფლანგვები, მითვისება, და სხვა ბოროტმოქმედებები.

4. „საქსაზომსაწონრემონტტრესტი“ სუსტ ხელმძღვანელობას უწყევს სარემონტო სახელოსნოების სამეურნეო საფინანსო საქმიანობას.

5. არადამაკმაყოფილებლად არის დაყენებული სასწორების რემონტი ოსტატთა კადრების მომზადებისათვის საჭირო მუშაობა.

იმ მიზნით, რომ ლიკვიდირებულ იქნას აღნიშნული ნაკლოვანებანი და თავის დროზე იქნას უზრუნველყოფილი საზომ-საწონი ხელსაწყოების რემონტი საქართველოს სსრ-ში აგრეთვე იმ მიზნით, რომ გაჯანსაღდეს საქართველოს სსრ ადგილობრივი მრეწველობის სახალხო კომისარიატის „საქსაზომსაწონრემონტ-ტრესტის“ მუშაობა, საქართველოს სსრ სახალხო კომისართა საბჭო ადგენს:

1. წინადადება მიეცეს საქართველოს სსრ მიწათმოქმედების სახალხო კომისარიატს (ამხ. ხოშტარიას) გორის, წნორის-წყლის, ახალქალაქის, ბორჩალოს და აბაშის სამანქანო სატრაქტორო სადგურებთან არსებულ სახელოსნოებში მოაწყოს 1939 წლის 2 აგვისტოსათვის იმ საწონ-საზომი ხელსაწყოების სარემონტო სამუშაოები, რომლებიც კოლმეურნეობებსა, საბჭოთა მეურნეობებსა და სამანქანო სატრაქტორო სადგურებს ეკუთვნის, რისთვისაც ჩაატაროს საჭირო პრაქტიკული ღონისძიებანი კადრების მომზადებისა და სახელოსნოების მოწყობის საქმეში.

2. წინადადება მიეცეს ცეკავშირს არაუგვიანეს 1939 წ. აგვისტოსა მოაწყოს სასწორების სარემონტო სახელოსნო გამსვლელი ბრიგადებით იმისათვის, რომ მან მომსახურება გაუწიოს თავისი სისტემის სავაჭრო ქსელს საზომ-საწონი მეურნეობის რემონტის საქმეში.

3. წინადადება მიეცეს საქართველოს სსრ ადგილობრივ მრეწველობის სახალხო კომისარიატს მოაწყოს მუდმივი რაიონული განყოფილებანი „საქსაზომ-საწონრემონტტრესტის“ სისტემაში შემდეგ ქალაქებსა და რაიონებში:

ა) თბილისში — ცენტრალური სახელოსნო, რომელიც მომსახურებას გაუწევს ქალაქ თბილისის და თბილისის, აღბულახის, ბაშკიჩეთის, ბორჩალოს, დუშეთის, ლუქსემბურგის, ყაზბეგის, ყარაიისა და წალკის რაიონებს;

ბ) გურჯაანში, რომელიც მომსახურებას გაუწევს გურჯაანის, თელავის, ყვარლის, სიღნაღის, ლავოდების, წითელ-წყაროს, სავარჯჯოსა და თიანეთის რაიონებს;

გ) სტალინირში, რომელიც მომსახურებას გაუწევს ზნაურის, ლენინგორის, სტალინირის და ჯავის რაიონებს;

დ) გორში, რომელიც მომსახურებას გაუწევს გორის, კასპის, ხაშურის და ბორჯომის რაიონებს;

ე) ახალციხეში, რომელიც მომსახურებას გაუწევს ახალციხის, ადიგენის, ასპინძის, ბოგდანოვკის და ახალქალაქის რაიონებს.

ვ) ქუთაისში, რომელიც მომსახურებას გაუწევს ქ. ქუთაისის, ქუთაისის, ქიათურის, საჩხერის, ზესტაფონის, ორჯონიკიძის, წულუკიძის, ტყიბულის, ბაღდათის, ვანის, სამტრედიის, ცაგერის, ქვ. სვანეთის, ამბროლაურის და ონის რაიონებს;

ზ) ბათუმში, რომელიც მომსახურებას გაუწევს ქ. ბათუმს და ბათუმის, ქედის, ხულოს და ქობულეთის რაიონებს;



თ) მხარაძეში, რომელიც მომსახურებობას გაუწევს მხარაძის, ლანჩხუაძის და ჩოხატაურის რაიონებს;

ი) ცხაკაიაში, რომელიც მომსახურებობას გაუწევს ზუგდიდის, ცხაკაიას რაიონებს ქ. ფოთს, აბაშის, გეგეკეკორის, წალენჯიხის, ჩხოროწყუს და ზემო-სვანეთის რაიონებს;

კ) სოხუმში, რომელიც მომსახურებობას გაუწევს ქ. სოხუმს და სოხუმის, გაგრის, გალის, გუდაუთის და ოჩემჩირის რაიონებს.

4. სამხრეთ-ოსეთის ავტონომიური ოლქის ცენტრალურმა აღმასრულებელმა კომიტეტმა და გურჯანის, მხარაძის, ცხაკაიას, გორის, ახალციხის რაიონული აღმასრულებელი კომიტეტების თავმჯდომარეებმა დაუთმონ საქართველოს სსრ ადგილობრივ მრეწველობის სახალხო კომისარიატის „საქსაზომსაწონრემონტტრესტს“ სათანადო სადგომები საზომ-საწონი ხელსაწყოების სარემონტო განყოფილებებისათვის, რომლებიც ახლად იხსნებიან.

5. წინადადება მიეცეს საქართველოს სსრ ვაჭრობის სახალხო კომისარიატს, ჯანმრთელობის დაცვის სახალხო კომისარიატს, მსუბუქ მრეწველობის სახალხო კომისარიატს, ადგილობრივი მრეწველობის სახალხო კომისარიატს, მიწათმოქმედების სახალხო კომისარიატს, კვების მრეწველობის სახალხო კომისარიატს ცეკავშირსა და ყველა დანარჩენ სახალხო კომისარიატებსა და უწყებებს სისტემატიური ტექნიკური ზედამხედველობა გაუწიონ საზომი ხელსაწყოების კანონიერ მდგომარეობას, ამასთან უზრუნველყოფონ საზომ-საწონი ხელსაწყოების დროული რემონტი დაეიანთ სისტემაში.

6. წინადადება მიეცეს სსრ კავშირის სახალხო კომისართა საბჭოსთან არსებულ საზომ-საწონი ხელსაწყოების საქმეთა კომიტეტის საქართველოს სსრ რწმუნებულის სამმართველოს — აშხ. ლეკიშვილს უზრუნველყოფს საჭირო ინსტრუქტაჟით ის ორგანიზაციები, რომლებიც საზომ-საწონი ხელსაწყოების რემონტს ეწევიან, აგრეთვე ტექნიკური ზედამხედველობა გაუწიოს სახალხო კომისარიატებისა და უწყებათა საზომი ხელსაწყოების კანონიერ მდგომარეობას.

7. დაევალოს აფხაზეთის და აჭარის ასსრ სახალხო კომისართა საბჭოებს სამხრეთ-ოსეთის ცენტრალურ აღმასრულებელ კომიტეტს, აგრეთვე ყველა საქალაქო საბჭოებსა და რაიონულ აღმასრულებელ კომიტეტებს ყოველგვარი დახმარება აღმოუჩინონ იმ ორგანიზაციებს, რომლებიც საზომი ხელსაწყოების რემონტს ეწევიან და მტკიცე კონტროლი გაუწიონ მათ მუშაობას.

8. იმ მიზნით, რომ გაჯანსაღდეს „საქსაზომსაწონრემონტტრესტის“ სამეურნეო-საფინანსო საქმიანობა და აღმოიფხვრას არსებული დეფექტები და ბოროტმოქმედებანი, წინადადება მიეცეს საქართველოს სსრ კვების მრეწველობის სახალხო კომისარიატის, საქმთავმანქმრეწვის (აშხ. ზაცარხის) ერთი დეკადის ვადაში დასახოს და გაატაროს „საქსაზომსაწონრემონტტრესტის“ სისტემის ხაზით ღონისძიებანი, რომლებიც უზრუნველყოფენ აღრიცხვისა და ანგარიშგების ფულადი და საკასო ოპერაციებისა და მასალების ხარჯვის მოწესრიგებას.

9. წინადადება მიეცეს საქართველოს სსრ ადგილობრივი მრეწველობის სახალხო კომისარიატს (აშხ. გორდუზიანს):

ა) ერთი დეკადის ვადაში გადასინჯოს საზომ-საწონი ხელსაწყოების რემონტის საქ. სსრ-ში ყველა ამჟამად მოქმედი შეფასებანი და დააწესოს ერთიანი შეფასებანი მთელ საქართველოსათვის, რგორც ქალაქებში, ისე რაიონებში და განსახილველად წარმოუდგინოს საქართველოს სსრ სახალხო კომისართა საბჭოს;

ბ) შეამოწმოს და განამტკიცოს კადრებით როგორც საზომსაწონრემონტრესტის აპარატი, აგრეთვე რაიონულ სახელოსნოების მთელი ხელმძღვანელი შემადგენლობა;

გ) გამოავლინოს სასწორების რემონტის სამუშაოების დარგის ყველა ოსტატი — სპეციალისტი, რომლებიც საქართველოს სსრ ადგილობრივ მრეწველობის სახალხო კომისარიატის საწარმოებში მუშაობენ, და გადასცეს ისინი საქსაზომსაწონრემონტრესტს;

დ) ორი დეკადის ვადაში მოაწყოს სასწორის ოსტატთა კურსები ქ. თბილისში ცენტრალურ სახელოსნოებთან;

ე) „საქსაზომსაწონრემონტრესტის“ სისტემის ყველა განყოფილებაში მოაწყოს საზომ-საწონი ხელსაწყოების რემონტის გამსვლელი ბრიგადები რაიონებისათვის მომსახურების გასაწევად, რისთვისაც უზრუნველყოს განყოფილებები ნახევარტონიანი მანქანებით და გადააკეთოს ისინი მოძრავ სახელოსნოებად;

ვ) ჩაატაროს საშტატო თანამდებობათა გადაჯგუფება დამტკიცებული კონტიგენტისა და ხელფასის ფონდის ფარგლებში იმ ანგარიშით, რომ დააწესოს კონტროლიორ-ინსპექტორთა თანამდებობანი 4 კაცის რაოდენობით, რომლებიც შეამოწმებენ რემონტის ხარისხს და გადაახდებენ საზომ-საწონი ინსტრუმენტების რემონტის საფასურს.

10. წინადადება მიეცეს საქართველოს სსრ ადგილობრივი მრეწველობის სახალხო კომისარიატს (ამხ. გორდენიანს) პასუხისგებაში მისცეს ის პირები, რომელთაც დანაშაული მიუძღვით „საზომსაწონრემონტრესტის“ სისტემაში სამეურნეო-საფინანსო დისციპლინის დარღვევისა და სახელმწიფო სახსრების განიავების საქმეში.

საქ. სსრ ს. კ. ს-ოს თავმჯდომარე ვ. ბაქრაძე.

საქ. სსრ ს. კ. ს-ოს საქმეთა მმართველის მ. ა. ი. შელეგია.

РСТ 33,35

В,КЕ ИМЭА

1 1 16



გამომცემელი: საქართველოს სსრ სახელწიფო კომისართა საბჭო

უნდა ჩაბარდეს პირველ რიგში
ხელწერილის ქვეშ

მისამართისათვის

ფახი 40 კაა.

გამომცემლობა „კომუნისტი“-ს პოლიგრაფკომბინატი, ლენინის ქ. № 28

მთავლიტის რწმ. № 6—483

შეკვ. № 682

ტირაჟი 2000